



Inspektor konfidente den Ulanda Karibense

General

E posishon estatal di Boneiru, Sint-Eustatius i Saba a kambia entrante 10 di òktober 2010. E islanan awor ta forma parti di 'e parti karibense di Ulanda'. E relashon aki a haña hurídikamente forma dor di otorgá e státus di entidat públiko, den sentido di artíkulo 134 di Konstitushon, na e islanan. Dia 10 di òktober tambe e promé Leinan di Reino a drenta na vigor, entre kua e (promé) Lei di Adaptashon BES (ABES-1; Stb. 2010, 350). Den ABES-1 a inkorporá e Lei riba supervishon di enseñansa.

Inspektorado di Enseñansa di Reino ta supervisá kalidat di enseñansa. E tarea aki ta fihá den artíkulo 3 di e Lei riba supervishon di enseñansa ariba mensioná. Den e Inspektorado di Enseñansa algun inspektor tin – banda di nan tarea di supervisor – un tarea partikular: nan ta inspektor konfidente. E tarea aki ta fihá den artíkulo 6 di e Lei riba supervishon di enseñansa.

Pa ken i den ki kaso

Na e Inspektorado di Enseñansa tin un tim chikí di inspektor konfidente ta traha. E tim aki ta enkargá tambe ku e tarea di inspektor konfidente den Ulanda Karibense.

Mayor, alumno, dosente, dirèksi, direktiva, pero tambe personanan di konfiansa por konsultá e inspektor konfidente ora na skol òf relashoná ku skol presentá problema riba tereno di:

- intimidashon seksual i abuso seksual;
- violencia síkiko i físiko;
- diskriminashon i radikalishon.

Notifikashon di kehonan ku ta kai den e kategorianan aki por ser presentá na e inspektor konfidente. Esaki lo skucha, duna konseho i informashon. Si ta nesesario e inspektor konfidente por duna asistensia den e trayekto pa entregá un keho formal òf hasi un denuncia.

Kon i ki ora por alkansá e inspektor konfidente

Por alkansá e inspektornan konfidente na e sentro di notifikashon-VI ku henter aña ta alkansabel telefónikamente riba dianan di trabou (ora ulandes: 08.00 - 17.00 or).
E number di telefòn ta: +31.30.670 60 01.

Inspektorado di Enseñansa ta investigando na e momentonan aki di ki manera por laga instalá un number di telefòn grátis spesífikamente pa e inspektornan konfidente di Ulanda Karibense. Inspektorado lo publiká e number aki i e fecha di entrada na vigor na tempu.

Ademas por haña tur informashon tokante e inspektornan konfidente riba e website di Inspektorado di Enseñansa:

<http://www.onderwijsinspectie.nl/onderwerpen/Vertrouwensinspecteurs>.

Konsiderando e diferencia grandi di ora entre Ulanda Karibense i Ulanda ta preferibel tin biaha manda un e-mail ku e petishon na e inspektor konfidente pa yama bèk: den e kaso ei ta sufisiente mensioná e number di telefòn bou di kua bo ta alkansabel.

E adrès di e-mail di e inspektor konfidente ta: CNvertrouwensinspectie@owinsp.nl.

Kiko hasi den kaso di otro keho relashoná ku skol?

Inspektorado no tin un tarea spesífiko ora di trata kehonan den òf relashoná ku skol. Eksepshon ta manera ya mensioná, kehonan di intimidashon seksual i abuso seksual, violencia síkiko i físiko, diskriminashon i radikalishon. Bo tin keho riba enseñansa? Un kòmbersashon ku e persona direktamente involví den e keho ya por solushoná hopi. Dirèksi di skol por intermediá den esaki. Si e keho ta tokante e dirèksi, e ora ei por akudí na e outoridat kompetente di e skol (e direktiva di skol). E direktiva di skol por informá bo kon bo por entregá bo keho.

Pa haña un mihó bista di e skol, inspektorado lo apresιά di risibí un kopia di e keho. Bo señal ta bai pa e tim di inspekshon konserní di e skol. Nan ta tuma nota di dje, inkorpor'é den e dosié di e skol i ta bai eventualmente skol kuné den un siguiente investigashon. Bo señal huntu ku posibel otro señalnan por kondusí na un investigashon di e skol konserní. Solamente den kaso masha eksepsional e kehadó ta haña un reakshon di inspektorado riba e keho entregá.

Un kehadó por manda kopia di un keho tokante un skol na:

Inspectie van het Onderwijs
n.a.d. Loket Onderwijsinspectie
Postbus 2730
3500 GS Utrecht
Nederland

Rijksdienst Caribisch Nederland tin intenshon di instalá un helpdesk telefóniko. E helpdesk aki por yuda tambe pa haña e kaminda di kana korekto den kaso di un keho.